

M355: Winsbeke und Winsbekin (I[J])

0,1 EIn wiser man het einen svn .
 0,2 der was im lieb als manger ist .
 0,3 Den wolt er rehte leren tvon .
 0,4 vn- sprah also "min svn du bist .
 0,5 Mir lieb ane allen valschen list .
 0,6 bin ich dir lieb sam dv mir .
 0,7 So folge mir ze dirre frist .
 0,8 die wil ich leb ez ist dir gvot .
 0,9 Ob dich ein fromd' ziehe- sol .
 0,10 du weist niht wi er ist gemvot .
 0,0 Wie man got furhte- sol fvr ellie dinch .
 0,1 Svn minne reiniclichen got .
 0,2 so can dir nimmer misseگان .
 0,3 er hilfet dir vz aller not .
 0,4 nv sih der werlt gaugel an .
 0,5 wie si ir volgaer triegen can .
 0,6 vn- was ir lon z em ivngste- si .
 0,7 daz solt v sinneclich verstan .
 0,8 si wigt ze lon ein swinden lot .
 0,9 der ir ze wille- diene- wil .
 0,10 der st libes vn- der sele tot .
 0,0 Wie daz mensch swindet als daz brinnend kerzze- lieht
 0,1 SVn merche wie daz kerzzen lieht .
 0,2 die wil ez brinnet swindet gar .
 0,3 Gelaube daz dir sam geschiht .
 0,4 von tag ze tag ich sag dir war .
 0,5 Dez nim in dinen sinne- war .
 0,6 vn- riht hie din leben also .
 0,7 daz dort din sel wol gefar .
 0,8 Swi hoh an guot wirt din nam .
 0,9 dir volget niht wan also vil .
 0,10 ein linin tvoch fur din scham .
 0,0 Wie man almlosen sol geben .
 0,1 Svn gib im der dir hat ggeben .
 0,2 vn- aller gabe hat gewalt .
 0,3 er git dir noch ein immerleben .
 0,4 vn- ander gabe manicfalt .
 0,5 Mer danne labes hab der walt .
 0,6 wil du nv caufen disen hort .

0,7 in sinen hulden dich bihalt .
 0,8 Vnd sende guote boten fur .
 0,9 die dir dort vahe- witen rvm .
 0,10 e. daz der wirt zuo slah die tvir .
 0,0 wie wertlich wistvom ist gen got ein torheit .
 0,1 Svn alliv wisheit ist enwiht .
 0,2 die herzze- sin ertrahte- can .
 0,3 Hat er ze got der minne niht .
 0,4 vn- siht in niht mit vorhten an .
 0,5 Ez sprach hie for ein wiser man .
 0,6 daz dirre werlt wisheit si .
 0,7 vor got ein torheit svnder wan .
 0,8 Da von so riht dine- sin .
 0,9 daz dv in sinen hulden lebst .
 0,10 vn- laz dich aller ding an in .
 0,0 Wie man geistlich leben eren sol
 0,1 Svn geistlich leben in eren hab .
 0,2 daz wirt dir guot vn- ist ein sin .
 0,3 dez willen cvm durh niemen ab .
 0,4 bring in ze diner grvobe hin .
 0,5 Ez wirt an saelden din gewin .
 0,6 en ruoch wie die pfaffen leben .
 0,7 du solt doch diene- got an in .
 0,8 Sint guot ir wort ir werch ze crump .
 0,9 so volg dv iren Worten nach .
 0,10 ir wercken niht oder du bist tvmp .
 0,0 Wie man den pfaffen sol spreche- wol .
 0,1 Svn ez was ie der layen sit .
 0,2 daz si den pfaffen trvogen haz .
 0,3 Da svndent si sich ser mit .
 0,4 ich can niht wissen vmbe waz .
 0,5 Ich wil dir raten ferre baz .
 0,6 du solt in holt mit trivwen sin .
 0,7 vn- sprich in schon vn- tvost u daz .
 0,8 So mag din ende werden guot .
 0,9 vnd wirt ze lone dir beschert .
 0,10 gotes lichnam vn- sin reines bluot .
 0,0 Wi er einmvetig sol sin mit siner konen .
 0,1 SVn ob dir got fveg ein wip .
 0,2 nach sinem lob ze reht' . e .
 0,3 Die solt u han als dinen lip .
 0,4 vn- fveg daz ez so biste .
 0,5 daz ivr baeder wille ge .
 0,6 vzse einem herzzen vn- dar in .
 0,7 waz wil dv danne wnne me .
 0,8 Ob daz geschiht in trivwen pfleg .
 0,9 Saet aber div werre ir same- dar .
 0,10 so mvezzen scheiden sich die weg .

0,0 Wi er tavgen minne sol helen .
 0,1 Svn du solt sinneclichen tragen .
 0,2 verholen din minnevingerlin .
 0,3 Din tavgen niht den tvmben sagen .
 0,4 daz zwein ist reht ze wit ist drien .
 0,5 La dich niht uber gen den win .
 0,6 den solt v so ze huse laden .
 0,7 daz din vind iht spotten dir .
 0,8 aht vf die zvingelaer niht .
 0,9 di werren zewischen frivnden tragen .
 0,10 vn- daz in Judas aht geschiht .
 0,0 Wie man sol guetlih vn- mit witze- antwrte- .
 0,1 Svn swer bi dir ein maere sag .
 0,2 mit Worten im s niht vnderbrich .
 0,3 vn- swer dir sinen cvmb' clag .
 0,4 in scham vber den erbarm dich .
 0,5 Der milt got erbarmt sich .
 0,6 vber alle die erbarmich sint .
 0,7 den wiben allen schon sprich .
 0,8 Ist ienert einiv saelden fri .
 0,9 da bi sint tusent oder mer .
 0,10 den tugend vn- ere wonet bi .
 0,0 wie man guetiv wip ere- sol .
 0,1 Svn wil du zieren dinen lip .
 0,2 so daz er si vnfuege gram .
 0,3 So minne vn- ere guetiv wip .
 0,4 der tugend vns ie von sorgen nam .
 0,5 Si sint wnne ein bernder stam .
 0,6 da von wir alle sin geboren .
 0,7 Er hat niht zuht noch rehter scham .
 0,8 der daz niht erkent an in .
 0,9 der mvez der toren einer sin .
 0,10 vnd het er Salamones sin .
 0,0 Wie wip sint stam aller wnne .
 0,1 Svn si sint wnne ein b'ndes licht .
 0,2 an eren vn- an werdikeit .
 0,3 Der werlt an frauden zuoversiht .
 0,4 nie wiser man daz widerstreit .
 0,5 Ir nam der eren cron treit .
 0,6 div ist gemessen vn- geworht .
 0,7 mit tugenden vollik vnde breit .
 0,8 Genade got an vns bigie .
 0,9 do er im engel dort geschuof .
 0,10 daz er si gap fur engel hie .
 0,0 wie man den wiben wol spreche- sol .
 0,1 SVn du maht niht wissen wol .
 0,2 wez eren an den wiben lit .
 0,3 Ob ez dir saeld fuegen sol .

0,4 daz du gilebst die lieben zit .
 0,5 Daz dir ir guete fraeude git .
 0,6 so can dir nimmer baz gischehen .
 0,7 ze dirre werlt svnder strit .
 0,8 Du solt in holt mit trivwen sin .
 0,9 vn- sprich in wol tuost u dez niht .
 0,10 so mvoz ich mich vntroesten din .
 0,0 Wie reines wibes guet ist ein getranch .
 0,1 SVn wil du erzenie nemen .
 0,2 ich wil dich leren ein getranch .
 0,3 Lat dir z frav saeld wol gezemen .
 0,4 dv wirst selten tugend cranch .
 0,5 Din leben si cvrz oder ez si lanch .
 0,6 leg in din herz ein reines wip .
 0,7 mit staeter lieb svnder wanch .
 0,8 Ist ez an werdikeit verzagt .
 0,9 als der triack daz aiter tuot .
 0,10 ir wiplich guet dir z veriagt .
 0,0 Wie wiplich guet trvren stoert .
 0,1 Svn ich sag dir z svnd' wan .
 0,2 eins mannes hertz ist vngesvnt
 0,3 Daz sich niht innan reinen can .
 0,4 mit wibes liebe z aller stvnt .
 0,5 Es waz ein tvgentlicher funt .
 0,6 do guoter wibe wart gidaht .
 0,7 hat iemen sorg swaeren bvnt .
 0,8 Den trvrig mvot bestricket hat .
 0,9 der strich wiplih gvete dar .
 0,10 alsam ein tav sin not zergat .
 0,0 wie dem saeld volget der gvetiv wip minnet .
 0,1 Svn sit div saelde lit an in .
 0,2 div nie mit lob ir zil volmaz .
 0,3 So dien in gern vn- has tu sin .
 0,4 du lebst in eren dester baz .
 0,5 Got sin an saelden nie vergaz .
 0,6 dem ir genade wirt beschert .
 0,7 vn- er mit trivwen dienet daz .
 0,8 Dem stet der schilt ze halse wol .
 0,9 im cvmt ze lon ein blanker arm .
 0,10 da im der riem ligen sol .
 0,0 hie saget er von dez schiltes werdikeit .
 0,1 Svn du solt wissen daz der schilt
 0,2 hat werdikeit vn- eren vil .
 0,3 Den ritter tugend niht bevilt .
 0,4 der in ze reht tragen wil .
 0,5 Die warheit ich dich niht en hil .
 0,6 er ist z er werlt svnder wan .
 0,7 ein hohgemezzen frauden zil .

0,8 Nimt in ze hals ein tvnber man .
 0,9 der im sin reht erkennet niht .
 0,10 da ist d' schilt vnschuldig an .
 0,0 Waz zuo dem schilt gihoert .
 0,1 Svn lat dich got gileben die zit .
 0,2 daz er mit reht wirt din dach .
 0,3 Waz er dir danne fraeude git .
 0,4 wil du im denne volge- nach .
 0,5 Waist u wie Gahmvret gischach .
 0,6 der vo- dez schiltes werdikeit .
 0,7 der Morin in ir hertze brach .
 0,8 Si gab im lvit lant vnde guot .
 0,9 er git och dir noch hohen pris .
 0,10 gist dv im lip hertz vnde mvot .
 0,0 Waz schiltes reht si .
 0,1 Svn wil du ganzlich schiltes reht .
 0,2 erke-nen so wis wol gezogen .
 0,3 Triwe milt kven vnde sleht .
 0,4 so ist er an dir niht betrogen .
 0,5 vn- cvmt din lob wol fur gifloge- .
 0,6 wilt aber dv leben in frier wal .
 0,7 den tuge-den allen vor verlogen .
 0,8 Der red min triv si din pfant .
 0,9 wil dv in also ze hals nemen .
 0,10 er hienge baz an einer want .
 0,0 waz er tvon sol so er den helm vf gebindet
 0,1 Svn biz din helm genem den strik .
 0,2 so wis mvotik vnde balt .
 0,3 Gedench an reiner wibe blik .
 0,4 der gruoz man ie mit dienste galt .
 0,5 Sitz eben vn- swende so den walt .
 0,6 als dir von art si geslaht .
 0,7 min hant hat mangan ab gevalt .
 0,8 dez selben mvoz ich mich verwegen .
 0,9 guot ritterschaft ist toppelspil .
 0,10 div saelde muoz dez siges pflege- .
 0,0 wie er sol dez comende- varen an d' tiost .
 0,1 Svn nim dez gen dir comende- war .
 0,2 vn- senche schone dinen schaft .
 0,3 als ob er si gemalet dar .
 0,4 laz an din oers mit meisterschaft .
 0,5 Ie baz vn- baz rver im die craft .
 0,6 z en nageln fieren vf den schilt .
 0,7 da sol din sper gewinnen haft .
 0,8 Oder da der helm gestricket ist .
 0,9 div zwei sint reht Ritters male .
 0,10 vn- vf der tyost der beste list .
 0,0 Wie sich d' man sol cleide- mit tugende- .

0,1 Svn wil du cleiden dine ivgent .
 0,2 daz si ze hof in eren ge .
 0,3 Snid an dich zuht vn- reine tugend .
 0,4 ich weiz niht waz dir baz an ste .
 0,5 Wil du in tragen in reht' . e .
 0,6 si machet dich den werden wert .
 0,7 vn- git dir dannoch saelden me .
 0,8 Ich mein reiner wibe segen .
 0,9 der ist ein so genaemer hort .
 0,10 in moht ein lant niht widerwegen .
 0,0 wi er niht horen sol bosiv maer .
 0,1 Svn dv solt bi den werden sin .
 0,2 vn- la ze hof dringen dich .
 0,3 Der man ist nach den sinnen min .
 0,4 dar nach als er gesellet sich .
 0,5 ze rehte swig ze staten sprich .
 0,6 die bosiv maer dir ze oren tragen .
 0,7 von in din staetes hertze brich .
 0,8 Wil du din or als mang' tuot .
 0,9 den velschelaeren bieten dar .
 0,10 so wirs tu selten wolgemvot .
 0,0 Wie man sol der zvnge- hvete .
 0,1 Svn du solt diner zvngen pflegen .
 0,2 daz si iht vz dem angel var .
 0,3 Si lat dich anderz vnder wegen .
 0,4 der eren vn- der sinne bar .
 0,5 Schivz rigel fur vn- nim sin war .
 0,6 gezaemet si vil reht din zorn .
 0,7 si gaeb vmb ere niht ein har .
 0,8 Wirt si din meister wisse daz .
 0,9 si setzet dich in gotes zorn .
 0,10 vn- dienet dir der werlte haz .
 0,0 Wie man die red besniden sol .
 0,1 Svn bezzer ist gemezzen zwir .
 0,2 denne gar verhawen ane sin .
 0,3 e. daz div rede entrinne dir .
 0,4 ze gaehes vz dem mvnde hin .
 0,5 Besnid si wol uf den gewin .
 0,6 daz si den wisen wol bihag .
 0,7 das wort mag niht hin wider in .
 0,8 vnd ist doch schier fur den mvnt .
 0,9 wil du daz rates folgen niht .
 0,10 du wirst an eren vngesvnt
 0,0 Wie man sich hveten sol vor valshe- lvte- .
 0,1 Svn swer ze blicke fuog entnimt .
 0,2 daz decket doch die lenge niht .
 0,3 Geribeniv varbe niht en zimt .
 0,4 da man den schaden blecken siht .

0,5 Die haelkaepil sint enwiht .
 0,6 die bi den lvten cleident wol .
 0,7 vn- daz in kvndikeit geschiht .
 0,8 Nv zieh er sin cappen ab .
 0,9 der also welle triegen dich .
 0,10 vnd merche waz er dr vnder hab .
 0,0 wiegetan not der spot birt .
 0,1 Svn merche rehte wie der rot .
 0,2 daz ysen fvilet vn- den stal .
 0,3 also tvot vnbescheiden spot .
 0,4 dez mannes h'tz svnder twal .
 0,5 ez ist an saeldenflvhtich mal .
 0,6 vn- slichet vmb vn- vmb entwer .
 0,7 von dem ze dem als ein swal .
 0,8 Svn da solt du dich hveten vor .
 0,9 dv maht niht sanft von im komen .
 0,10 ob er dich bringet in daz spor .
 0,0 Wie edel ane tvgend ist ze niht .
 0,1 SVn hoh gebvrt ist an dem man .
 0,2 vn- an dem wib gar verloren .
 0,3 Da wir niht tvgend kiesen an .
 0,4 als in den Rin geworfe- ein korn .
 0,5 Der tugend hat der st wolgibore- .
 0,6 vn- eret sin gislaecht wol .
 0,7 ich han ze frivnt mir erkorn .
 0,8 Den nidern baz der eren g't .
 0,9 fvr einen hohen svnder tugend .
 0,10 der hivr ist boeser danne vert .
 0,0 Wie ma- dez gvotes niht vil ahten sol .
 0,1 Svn du solt haben vnd minne- gvot .
 0,2 also daz ez dir niht lig ob .
 0,3 Benimt ez dir tvgend vn- frien mvot .
 0,4 so stet din hertz in cranke- lob .
 0,5 Gvot ist gitikeit ein clob .
 0,6 swem ez lieber ist danne got .
 0,7 vnd wertlich er ich waen er tob .
 0,8 Swen ez also gevazzet fvr .
 0,9 der avnet sich der baeder lieber .
 0,10 e. daz er daz ein verlvir .
 0,0 Wie man niht sol sin vb'milt
 0,1 Svn dinen guoten frivnt bihalt .
 0,2 der dir mit trivwen bi gestat .
 0,3 Vn- wis in zoren niht ze balt .
 0,4 mit gaehen siten de st min rat .
 0,5 Ob dir daz gvot ze nahen gat .
 0,6 vn- ob dv s ane tugend vertvost .
 0,7 div baediv machent missetat .
 0,8 wirf in die milte dinen sin .

0,9 hab vn- henge furhte got .
 0,10 so gat din leben mit saelden hin .
 0,0 wie man in der mavzze sol leben .
 0,1 Svn merche daz div mavzze git .
 0,2 vil eren vnde werdicheit .
 0,3 Die solt v minnen ze aller zit .
 0,4 so wirt din lop den werden breit .
 0,5 Ist daz den wandelbaeren leit .
 0,6 waz vmbe daz der boesen haz .
 0,7 die biderben selten ie v'meit .
 0,8 Leb dv in tugentlicher aht .
 0,9 vn- laz die crancgemvoten leben .
 0,10 als in von art si geslaht .
 0,0 Wie man sich sol an neme- dc man volbringe- mac .
 0,1 Svn so der vogel . e . rehter zit .
 0,2 von sinem neste fliegen wil .
 0,3 Sich selben er vil lihte git .
 0,4 den tvmben kinde- z einem spil .
 0,5 Die red ich dir gelichen wil .
 0,6 nimst v dich an dez dv niht maht .
 0,7 volenden vn- ist dir ze vil .
 0,8 daz mvost v ligen ane ere lan .
 0,9 so waer ferre bezzer dir .
 0,10 vn- waer ez nie gefangen an .
 0,0 Wie man niht ze gaeh sol sin .
 0,1 Svn heb daz du getragen maht .
 0,2 daz dir ze swaer si daz la ligen .
 0,3 Swer gern vber haubet vaht .
 0,4 der moht dester wirs gesigen .
 0,5 Dich ist der wisen lop verzigen .
 0,6 wil du zi gaehes mvotes sin .
 0,7 ane allen rat vnd vnverswigen .
 0,8 So cvmt dir gar daz sprichwort wol .
 0,9 dez mvotes al ze gaecher man .
 0,10 vil trage- esel riten sol .
 0,0 Wie man wisen raete- volgen sol
 0,1 Svn du solt selten schaffen iht .
 0,2 ane diner wisen frivnde ravn .
 0,3 Ob dir dar an gelvnge niht .
 0,4 daz waer niht ein missetat .
 0,5 Swer wiser lvte lere hat .
 0,6 vn- in mit willen volget nach .
 0,7 dem get ze saelden vf sin sat .
 0,8 Div maer vil dicke zweient sich .
 0,9 da von solt v daz beste welen .
 0,10 vn- volge dem daz eret dich .
 0,0 Wi man den raeten mit werken volgen sol .
 0,1 Svn swer sich selben eren wil .

0,2 der nimt getriwes rates war .
 0,3 Man fliset gvoter raete vil .
 0,4 an einem hertzen tvgende bar .
 0,5 Swer ratet vnde dienet dar .
 0,6 da man s ze dienst niht veruht .
 0,7 der flivset sinen willen gar .
 0,8 Swaz frivnd friv-t geraten mac .
 0,9 er welle selber stivre- sich .
 0,10 ez ist in einen bach ein slac .
 0,0 Wie man sich tugend vlizze- sol .
 0,1 Svn si iehent all ez brenne frvo .
 0,2 daz z er nezzeln werde- sol .
 0,3 Din ivnger mvot daz selbe tvo .
 0,4 daz cv-t dir in dem alter wol .
 0,5 Mit dir ich leides mich erhol .
 0,6 min trost ist vf dich einen comen .
 0,7 din lip min lip din leit min dol .
 0,8 Got tve mich zweir sorgen bar .
 0,9 daz dv iht werdest vngemvot .
 0,10 vn- daz din sel iht missevar .
 0,0 Wie man sol guot gewonheit habe- .
 0,1 DRizzik iar ein tore gar .
 0,2 d' mvoz ein narre furbaz sin .
 0,3 Die wisen sprechent ez si war .
 0,4 ez ist vil dicke worde- schin .
 0,5 Vn- ist och der gelaube min .
 0,6 gewonheit ist da schuldich an .
 0,7 div git dem libe solhe- pin .
 0,8 Dez er von kintheit ist gewon .
 0,9 ez si im schad ez si im frvm .
 0,10 da cvmt er ane got niht von .
 0,0 Wie man die vngetriwe- fliehen sol
 0,1 Svn du solt hoveliche sit .
 0,2 in dinen sinnen lazzen pfaden .
 0,3 Behvete dich vor einem snit .
 0,4 der tvot an eren grozen schaden .
 0,5 Da mit waz jvdas vb'lade- .
 0,6 swer in dem snit noch fvnden wirt .
 0,7 der mvoz mit im z er helle baden .
 0,8 Ich mein vntriv vns saet div schrift .
 0,9 si si der arm sele dort .
 0,10 vn- hie dez libez ein vergift .
 0,0 wie ma- sol sin staetes mvotes vn- wol gezoge- .
 0,1 Svn du solt kivscher wort sin .
 0,2 vn- staetes mvotes tuost v daz .
 0,3 So hab ez vf die trivwe min .
 0,4 du lebest in eren dester baz .
 0,5 Trag niemen nit vn- lange- haz .

0,6 wis gen vinden hohgemvot .
0,7 den frivnden niht mit dienste laz .
0,8 Da bi in zuhten wol gizogen .
0,9 vn- grvezze den du grvezzen solt .
0,10 so hat dich saelde niht betrogen .
0,0 Wie man hohfart vn- gitikeit fliehen sol .
0,1 Svn hohvart vnde gitikeit .
0,2 div zwei sint boes nahgebvr .
0,3 An den der tiefel sich versneit .
0,4 daz im sin svezze wart ze svr .
0,5 Sin schoen swerzer danne ein vr
0,6 in sleht noch hvt vn- vmmer mer .
0,7 ze helle dr vm ein bitter schvr .
0,8 Der in den schulde- fvnden wirt .
0,9 dem git in sinem hvse rvm .
0,10 der selb swarze hellewirt .
0,0 Wie ma- vb' sich niht leben sol .
0,1 Svn ich han lange her vernomen .
0,2 swer vber sich mit hohvart wil .
0,3 Daz sin leben mac dar zvo comen .
0,4 daz sich vervellet gar sin spil .
0,5 Ein ieglich man hat eren vil .
0,6 der reht in siner mavzze lebt .
0,7 vn- vbermizzet nit sin zil .
0,8 Swer sich zivhet vn- ie zoch .
0,9 daz in sin fvor machet wert .
0,10 der wirt an ere- billich hoch .
0,0 Wie gemach bi eren niht en zimt .
0,1 Svn wil dir lieben guot gemach .
0,2 so muost u eren dich bewegen .
0,3 An ivngen manne ich nie gisach .
0,4 div zwei gelicher wage wegen .
0,5 Waz tagv ein ivnger lip verlegen .
0,6 der vngemach niht liden can .
0,7 noch sinneclich nach eren stegen .
0,8 ez ist mir ane zwifel cvnt .
0,9 ez laufet selten wisiv mvs .
0,10 slaffender vohen in de- mvnt .
0,0 Wie man niht eren mac habe- ane arbeit .
0,1 Svn wizze daz verlegenheit .
0,2 ist gar dem ivngen manne ein slac .
0,3 Ez si dir offentlich geseit .
0,4 daz niemen ere haben mac .
0,5 Noch herzzzen liebe svnder clak .
0,6 gar ane cvmber vn- ane not .
0,7 der lvhs get so niht in den sac .
0,8 Swer sich vor schande- wil befriden .
0,9 der mac giborgen niht dem libe .

0,10 noch dem gvot noch den liden .
 0,0 Wie man ze ravt niht sol gen vngebeten .
 0,1 Svn dv solt niht gen vngebeten .
 0,2 an frivndes noch an vindes rat .
 0,3 Ez mac den man in schaden weten .
 0,4 ob er da sitzet oder stat .
 0,5 Ob man sin gern hete rat .
 0,6 svn da solt du niht dringen zvo .
 0,7 fur war ez ist ein missetat .
 0,8 kvmst aber du dar von frivndes bet .
 0,9 so slivz die scham fvr dinen mvnt .
 0,10 daz sich div zvng iht vbertret .
 0,0 Wie man lvoder vn- friheit vliehe- sol .
 0,1 Svn baediv luoder vnde spil .
 0,2 sint libes vn- der sele val .
 0,3 Der ane mavzze in volgen wil .
 0,4 si mache-t breit hvobe smal .
 0,5 Swer lebt ane er in frier wal .
 0,6 der wirt den werden schier vnwert .
 0,7 vn- huset in dem affental .
 0,8 Sw' also vlivset sine hab .
 0,9 mit disen swache- fvoren zwein .
 0,10 der laege baz in einem grab .
 0,0 Wie dez vertvorers fraeud ist ein torheit .
 0,1 Svn swen sin sin verleitet so .
 0,2 daz er vnreht im selben tvot .
 0,3 Ist er bi wisen lvte- fro .
 0,4 da sol man kiesen toren mvot .
 0,5 Div riv ist nach der schulde guot .
 0,6 ob si von h'zzen reht vert .
 0,7 ein vol in einer wilden stvot .
 0,8 vnvzgevangen wirt . e . zam .
 0,9 e. das ein vngeraten lip .
 0,10 gewinne ein hertze daz sich scham .
 0,0 Wi ein man sol hvser tvon mit siner hab .
 0,1 Svn twing dez dine- frien sin .
 0,2 daz dv ze hvse rihtest dich .
 0,3 ein teil ich vngereisik bin .
 0,4 man tvot vn- laet vnvil durch mich .
 0,5 Den armen gib snit vnde brich .
 0,6 mit willen diner reine- hab .
 0,7 ob allen raeten daz ravt ich .
 0,8 Ez ist dir guot vn- wirt och mir .
 0,9 ich han in ere- her gelebt .
 0,10 ze hvs wirf ich den slegel dir .
 0,0 Wie der vat' huses hat wol gipflege- .
 0,1 Svn ob ich vngervemet wol .
 0,2 vn- ane vnfvoe sprechen mac .

0,3 Mit lieb ich dich bescheiden sol .
 0,4 sit ich von ersten hvses pflac .
 0,5 Da com ich nie von einen tac .
 0,6 min vmbesaezzzen wizzzen wol .
 0,7 wie do min wort in eren lac .
 0,8 Ich het noch vil gvoten mvot .
 0,9 vn- willig hertze wan daz mir
 0,10 daz alter grozzen schaden tvot .
 0,0 Was z em hvs gihort .
 0,1 Svn swer daz hus nv haben wil .
 0,2 der mvoz driv dinch ze stivre han .
 0,3 Gvet milt vn- zvht so lit sin spil .
 0,4 ist er da bi ein frolich man .
 0,5 Der s wol den lvten biete- can .
 0,6 so tvot din brot dem nemende- wol .
 0,7 vn- lachent baed einander an .
 0,8 Svn sint dir niht die tugende bi .
 0,9 so mac der gast wol riten fvr .
 0,10 swie gar er naz vn- mvede si .
 0,0 waz dem geschiht d' mit vnwitz- hus hat .
 0,1 Svn swer mit tugenden hvses pfligt .
 0,2 der nimt an werdikeit niht ab .
 0,3 vnd also mit der mavzze wigt .
 0,4 daz im gevallen mac sin hab .
 0,5 vn- crvche der an eine- stab .
 0,6 got vn- der werlte waer er wert .
 0,7 die red ich in din hertze grab .
 0,8 Wil si dar inne wurtzen niht .
 0,9 als einem vogel der . e . zit .
 0,10 von nest geflivget dir geschiht .
 0,0 wie wol hvser zieret .
 0,1 Svn hvser ist ein werdikeit .
 0,2 div bi den hohste- tugenden vert .
 0,3 Swer si mit schonen sinnen treit .
 0,4 wie wol sich der in ere- nert .
 0,5 Daz guot wirt rainiclich verzert .
 0,6 daz niht ein schad geheizzzen mac .
 0,7 zwe- frvmen sint da von bischert .
 0,8 Gotez lon vn- der werlte danc .
 0,9 der disiv zwei verdienen can .
 0,10 den richet wol sin ack'ganch .
 0,0 Wie ma- warhaft sol sin .
 0,1 Svn zwei dinch ere-t wol den man .
 0,2 der sich wil eren mit den zwein .
 0,3 So daz er sich behalten can .
 0,4 daz ein ist ia daz ander ist nein .
 0,5 Wie ziert golt den edelen stein .
 0,6 also tvont wariv wort den lip .

0,7 er ist niht vleisch vnz vf daz bein .
 0,8 Dem also slipfig ist der sin .
 0,9 swa er sin ia geheizzen hat .
 0,10 daz er sin nein da schrenket hin .
 0,0 Wie man den ban vliehe- sol .
 0,1 Svn flivch daz dich iht bind ein bant .
 0,2 daz ist gestricket in der aht .
 0,3 Daz du gebvnden bist zehant .
 0,4 vor got in crefticlicher maht .
 0,5 Swer wirt in sinen strik braht .
 0,6 so daz in vindet da der tot .
 0,7 we im daz sin ie wart gidaht .
 0,8 Daz bant ist der gedienet ban .
 0,9 der clemmet in der helle also .
 0,10 daz Judas nie die not gewan .
 0,0 Waz craft der pan hab .
 0,1 Svn dannoch ander craft er traet .
 0,2 den er gefazzet an sin seil .
 0,3 Er nimt im al die Cristenheit .
 0,4 gemein vn- aller saelden teil .
 0,5 Sin wundiv sele wirt niht heil .
 0,6 kvmt er mit reht niht der von .
 0,7 ie grozzer wirt der saelde- meil .
 0,8 Gebet almosen ist verloren .
 0,9 vn- swaz er guotes mac getvon .
 0,10 die wil in stichet dirre dorn .
 0,0 Wie man missetat fliehe- sol .
 0,1 Svn flivech sint ein bitter crvt .
 0,2 strazze vnd ir stige gern mit .
 0,3 Si mac verlaitten dir din hut .
 0,4 swi guot geleit man dir git .
 0,5 Gerihtes uber dich ist zit .
 0,6 Swa man dich hoeret oder siht .
 0,7 die wil vf dir ir poy lit .
 0,8 Da la dich inne niht v'smiden .
 0,9 Kein zung vn- ist der rihtaer gvot .
 0,10 mag dich vor tode niht befriden .
 0,0 Hie git der vater ein ende sinem rate .
 0,1 Svn ich wil dir nv niht mere sage- .
 0,2 der mavzz ein zil gestozzen si .
 0,3 Du maht sin allez niht getragen .
 0,4 nim uz den raeten alle dri .
 0,5 Leg si dem herzze- nahe- bi .
 0,6 ob ez niht bezzer werden mac .
 0,7 wird gotes minne nimmer fri .
 0,8 Wis warhaft zuhtic svnder wanc .
 0,9 manc tvgend ir flvz nimt von den drin .
 0,10 bihalt si wol hab immer danc .

0,0 Hie antwurt der svn dem vat' .
 0,1 "Vater du hast vaeterlichen mir .
 0,2 geraten als ein wiser man .
 0,3 Ich wil vil gern volgen dir .
 0,4 ob mir got siner helfe gan .
 0,5 Div alliv dinc vollenden can .
 0,6 sin vnvolvezzen hohiv tugend .
 0,7 bit ich immer vnde man .
 0,8 Daz ich im hie ze dienste leb .
 0,9 also daz er mir dr vmbe dort .
 0,10 sinz vater himelriche geb .
 0,0 Wie wertlichiv wnne ist ein mist .
 0,1 Vater ich bin ein kint doch sich ich wol .
 0,2 daz disiv werlt ein gauckel ist .
 0,3 Ir vreaud erlischt als ein col .
 0,4 ir bestiv wnne wirt ein mist .
 0,5 Ir trost ist gar ein vngenist .
 0,6 si lat ir frivnd in swach' hab .
 0,7 dez dv wol innan worden bist .
 0,8 Du hast ie her gedienet ir .
 0,9 nv merke waz ir trvgeheit
 0,10 ze lon hab gigegeben dir .
 0,0 Wie widerstendich daz alt' ist .
 0,1 Vater alter lip vn- mvediv lit .
 0,2 div zwei sint din mit voller hab .
 0,3 Du waerd . e . snel nv gat din trit .
 0,4 ze nahen leider bi dem stab .
 0,5 Da grvset mir von schulden ab .
 0,6 ob din schuld manicvalt .
 0,7 dem lib volget hin z dem grab .
 0,8 Din rat ist cranch ob daz geschiht .
 0,9 dez mannes wistvm ist nit gvot .
 0,10 ist er im selber wise niht .
 0,0 Wie der alt sol guot bild geben .
 0,1 Vater disem man schone zimt .
 0,2 daz er tvo wol mit staeten siten .
 0,3 Da bi ein tvmmmer bilde nimt .
 0,4 daz wurd vil lihte svz vermiten .
 0,5 ein alter man mit tvmben siten .
 0,6 der niht bidenket waz er ist .
 0,7 vn- waz got durch in hat erliten .
 0,8 Der ist in toren aht gemvot .
 0,9 ez ist ein lop vor allem lob .
 0,10 der an dem ende rehte tvot ."

0,0 Hie ravt der dem vat' . daz si sich bigebe- .
 0,1 "Vater mit vrlaub wil ich dir .
 0,2 min hertz entsliezzen vberal .
 0,3 Ez mac sich niht verhelen bi mir .

0,4 du solt fur diner svnden val .
 0,5 Lege- vf din eigen ein spital .
 0,6 vn- solt dich selber ziehen dr in .
 0,7 ich var mit dir in frier wal .
 0,8 alle vnser hab svl wir dar zelen .
 0,9 vnd fvr der werlt trygeheit .
 0,10 Daz svezze himelriche welen .”
 0,0 hie wil im der vater volgen .
 0,1 “Svn die red vz dem herzzen din .
 0,2 gesprochen hat ein wiser geist .
 0,3 Ich fraeu mich in dem hertzen min .
 0,4 Daz du von got so vil weist .
 0,5 Dez rates wil ich sin volleist .
 0,6 wan du stvent ie minem willen nach .
 0,7 doch liez ich durch dich allermeist .
 0,8 Ich han gelebt nv lieben tac .
 0,9 Daz du zi got dich wilt bigeben .
 0,10 vn- ich mit dir gebvezzen mac .”
 0,0 Wie sich der vat’ fraeut .
 0,1 “Svn swaz ich fraeuden ie gewan .
 0,2 die sint bi disen fraeuden blint .
 0,3 Sid ich von dir vernomen han .
 0,4 daz dir die svnd vnmaere sint .
 0,5 Ich sag dir hertzenliebes kint .
 0,6 wir kauffen in dem sacke niht .
 0,7 an dinem mvote niht erwint .
 0,8 Ob wir hie vnser zwivelleben .
 0,9 vmb eines daz vns immer wert .
 0,10 mit fraeude- willeclich gebe- .”
 0,0 hie weint d’ vater . vn- troest in d’ svn .
 0,1 Vz augen mvost er wange baden .
 0,2 vo- herzenliebe daz geschach .
 0,3 der svn sprach “vater ir tvet iv schaden .
 0,4 ir volget wibez site- nach .
 0,5 Die man ie lihte wainen sach .
 0,6 da hoeret niht wan fraeude zvo .
 0,7 vn- hie dez libes vngemach .
 0,8 Ez ist niht ein kindez spil .
 0,9 der mit dez libez arbeit .
 0,10 ze rehte svnde bvezze- wil .”
 0,0 hie bit er got dc er im war riv verlih .
 0,1 “GOt herre die dine Trinitat .
 0,2 vn- dine starken goteheit .
 0,3 Erbarmen sol min missetat .
 0,4 ich man dich diner barmekeit .
 0,5 Div rehter rivwe ist bereit .
 0,6 daz du mir rehte rivwe gebst .
 0,7 so daz mir si von schulde- leit .

0,8 Daz ie der lip gesvndet hat .
 0,9 Daz iht dez si div sele pfant .
 0,10 durch dine tugend des hilf mir ab .”
 0,0 Hie bigert er dc im gischeh als de- schach’ a m Crvz .
 0,1 “GOt herr du weist als wol daz ich bin .
 0,2 von svnden ein vertiefter man .
 0,3 Vn- daz min saelden frier sin .
 0,4 noch staete rivwe nie gewan .
 0,5 Sid ich mich svnden erst versan .
 0,6 nv bin ich in min alter comen .
 0,7 vn- rveffe dine marter an .
 0,8 vn- dine tugend manicvalt .
 0,9 daz alz de- schachaer mir gischeh .
 0,10 der spater riv nie engalt .”
 0,0 hie clagt er dc er sich niht hat bigeben .
 0,1 “Ich bin in den wingarten braht .
 0,2 durch buwen hawen vnde ieten .
 0,3 vnd han mich leider uberdaht .
 0,4 daz ich vil frvo wart dar gibeten .
 0,5 Daz ich den rat han vbertreten .
 0,6 vn- hat daz alter mit gewalt .
 0,7 in sinem stricke mich . geweten .
 0,8 Daz ich verslaffen han die zit .
 0,9 da von mvoz ich ze danke nemen .
 0,10 ein lon daz mir der meister git .”
 0,0 hie v’giht er siner svnde .
 0,1 “Dv bist genaedich vnde guot .
 0,2 milt vn- erbarmich herre got .
 0,3 Dem svndaer ob er sinen mvot .
 0,4 von svnden nimt durch din gibot .
 0,5 So starc ist miner svnden not .
 0,6 ez vndervar din gotlich tugend .
 0,7 div ie den rehten helfe bot .
 0,8 Min sel mvoz in bvoze clagen .
 0,9 daz minen lip min mvoter ie .
 0,10 ze disen noten hat getragen .”
 0,0 hie vleht er ab’ got vmb sin svnde .
 0,1 “GOt herre sit div cleine- kint .
 0,2 von ir gebvrte tages alt .
 0,3 Niht gar von svnden reine sint .
 0,4 Wie wart ez danne vmb mich gestalt .
 0,5 Dez hat din barmikeit gewalt .
 0,6 min pfant stet leider vf den schaden .
 0,7 dez ich noch nie ein teil vergalt .
 0,8 Hilf herre ich mac vergelten niht .
 0,9 din milt div sol mir stivr geben .
 0,10 der pfandaer grozzer bvozze giht .”
 0,0 Wie got weiz alliv taugen .

0,1 "GOt dir sint alliv hertzen cvnt .
 0,2 ein winkel nie so enge wart .
 0,3 Von oben vnz vf der erde grvnt .
 0,4 der diner wisheit waer verspart .
 0,5 Din tvgend sint in rein' art .
 0,6 daz du den svndaer niht vertvost .
 0,7 gerivwet in der svnden vart .
 0,8 vn- hat ze bvozze vesten sin .
 0,9 dv sihest in min herzze- wol .
 0,10 daz ich in staeter rivwe bin ."

0,0 hie bitte er got daz er im bvoz gynne .
 0,1 "GOt die gab has tu mir gigen .
 0,2 gib mir noch din' helfe me .
 0,3 Laz mich noch hie als lange leben .
 0,4 daz mir gischeh in bvozze we .
 0,5 ze wol ist mir gewesen . e .
 0,6 ich lie durch din vorhte niht .
 0,7 durch dine lieb alsam a we .
 0,8 Sol ich daz hie gebvezzen niht .
 0,9 die wil ich in der werlt gileb .
 0,10 wi we mir danne dort geschiht ."

0,0 Hie mant er got bi den hilige- .
 0,1 "Maria magdalena waz .
 0,2 mit haubtsvnden vberlade- .
 0,3 von starker riwe si genaz .
 0,4 man sach si dine fvezze baden .
 0,5 Mit zaehern fvr der svnden schaden .
 0,6 dem milten lob ze teile wart .
 0,7 ir svnde swnden alle von dir .
 0,8 Sant Iohannes wart mit luppe vergeben .
 0,9 du hilf uns herre von vnser not .
 0,10 dv gaeb in dort ein immerleben ."

0,0 hie mant er got bi Ionas vn- bi den drien kinden .
 0,1 "DIn vngemezzten craft Ionam .
 0,2 daz mvoz man fvr ein wnder wegen .
 0,3 Vz einez visches wambe nam .
 0,4 dar inne er waz dri tag gelegen .
 0,5 Drien kinden half din goetlich seggen .
 0,6 Daz in div fla-me niht en tet .
 0,7 ich bin in svnden gar v'lege- .
 0,8 Daz rivwet mich vn- ist mir leit .
 0,9 dv maht auch wnder an mir tvon .
 0,10 so creftich ist din barmekeit .
 0,0 hie gert er das in got bewar vor hohfart .
 0,1 GOt din craft ist allen creften vor .
 0,2 dv niderst hohist swen du wil .
 0,3 Waz half daz Nabvchodonosor .
 0,4 gewaltes het vn- richeit vil .

0,5 von hohvart sich verviel sin spil .
 0,6 daz er ze walde wilde lief .
 0,7 der tag ein lanc gemezzen zil .
 0,8 An allen vieren cleider bar .
 0,9 vor dinem zoren den ich han .
 0,10 verdienet herre mich bewar .
 0,0 Wie guot div wavr riwe ist .
 0,1 Wie moht ich allez daz volsagen .
 0,2 daz dv ie her gewndert hast .
 0,3 Ich mvoz dir min svnde clagen .
 0,4 der trag ich alze swaeren last .
 0,5 Ich waer in gern ein fromder gast .
 0,6 swi gar ich svndenmaelich si .
 0,7 doch wont in mir d' riv ein ast .
 0,8 Der ist von diner maht beliben .
 0,9 ich troeste mich div riv ist gvot .
 0,10 daz vind ich in dem blat geschriben ."
 0,0 Hie tvot er sin bihte .
 0,1 "GOt ich tvon min bihte dir .
 0,2 als ein svndaer sol vn- mvoz .
 0,3 erzeige dine helfe mir .
 0,4 so daz mir werde sorgen bvoz .
 0,5 Die wil ich mac hant vnde fvoz .
 0,6 gerveren dez mvoz ich dich biten .
 0,7 magt vnde mvoter durch den grvoz .
 0,8 Den dir von got der engel sprach .
 0,9 ze dine- kinde sprich min wort .
 0,10 din helf ie starke- kvmber brach ."
 0,0 hie vleht er got vmb hvlde .
 0,1 "GOt ich han der werlte mich bewegen .
 0,2 vn- sol nv als ein svndik man .
 0,3 in riv vn- och in bvozze leben .
 0,4 we daz ich ie den mvot gewan .
 0,5 Der wider dich iht hat getan .
 0,6 daz rivwet mich vn- ist mir leit .
 0,7 nv la mich din hulde han .
 0,8 Nach bezzervnge herre got .
 0,9 genaediclichen vber mich .
 0,10 erge din wille vn- din gibot ."
 0,0 hie v'git er vn- entsaet sich allez sinez gvotes .
 0,1 "VOn herzze- in vergeben si .
 0,2 die mir ie her getaten leit .
 0,3 Min aigenlvit ich lazze fri .
 0,4 min hvebengelt smal vnde breit .
 0,5 Das man mir bvot vnde sneit .
 0,6 fvr aigen dez verzih ich mich .
 0,7 ich havn s vf ein Spital gileit .
 0,8 Ez sol furbaz d' armen sin .

- 0,9 ich vn- min eingeborener svn .
 0,10 zvo in vns wellen ziehen dr in .”
- 0a,0 Ditz buoch saet nv von der frawen werdikeit .
 0a,1 “WIr frawen wolten moht ez sin .
 0a,2 der von dem lib waer gvot .
 0a,3 Daz er den offenbaeren schin .
 0a,4 mit tvgenden liezze wol behvot .
 0a,5 Swi wol er z vnder dem helme tvot .
 0a,6 er hat vns frawen niht gewert .
 0a,7 er n hab da bi doch hvbschen mvot .
 0a,8 wir frawen loben deheines tat .
 0a,9 der vzzen lehenkaepelin .
 0a,10 vn- heim gezoge- schande hat .”
- 0b,0 wie die frawe- habe-t vnzaem meist’shaft
 0b,1 “WIr frawen haben nv meister me .
 0b,2 denne vns div mavzze schuldik si .
 0b,3 Ir besem zoh die besten . e .
 0b,4 nv ist vns manges besem bi .
 0b,5 Der selb ist aller zuhte fri .
 0b,6 mih mvot der niht gemezzen can .
 0b,7 mit reht’ fvoge fvezze dri .
 0b,8 Daz der den frawe- mezszen wil .
 0b,9 nach cranker ler ir lvter lebe- .
 0b,10 der meisterschaft ist gar ze vil .”
- 1b,0 Hie ratet ein mvoter irre toht’ .
 1b,1 EIn wiplich wip in zvhten sprach .
 1b,2 ze ir toht’ der si schone pflac .
 1b,3 “Wol mich daz ich dich ie gesach .
 1b,4 gehohet si der svezze tac .
 1b,5 Da din gibvrt von erst an lac .
 1b,6 sit ich mit ganzer warheit wol .
 1b,7 mit wiser volge spreche- mac .
 1b,8 Din anblick si eins maien zit .
 1b,9 got svl wir immer gerne loben .
 1b,10 der also riche gabe git .”
- 2b,0 Hie antwurt div tohter .
 2b,1 “DIz volg ich liebiv mvoter dir .
 2b,2 ich lob in so ich beste can .
 2b,3 Er sol der sinne helfen mir .
 2b,4 daz ich in seh mit vorhten an .
 2b,5 Durh sin tugend ich in dez man .
 2b,6 ich sol nach sinen hulden leben .
 2b,7 ob ich mir selber eren gan .
 2b,8 vater vn- mvoter svln div kint .

- 2b,9 wol eren daz hat er giboten .
 2b,10 wol in die dez gehorsam sint .”
- 3b,0 Hie ratet div mvoter ir toht’ .
 3b,1 “VII liebiv tohter mir behagt .
 3b,2 din red vn- auch din antwurt wol .
 3b,3 vf den mvot min triv mich iagt .
 3b,4 daz ich dir z beste raten sol .
 3b,5 Ez wurd minez herzen dol .
 3b,6 ob din lop wiplich vn- ganz .
 3b,7 von dine- schulden wurden hol .
 3b,8 da von vns beide got bewar .
 3b,9 vn- siner liebe- mvoter craft .
 3b,10 daz din mvot immer so gevar .”
- 4b,0 Hie raet div tohter .
 4b,1 “Sag liebiv mvoter vn- sprich .
 4b,2 wie vn- waz din wille si .
 4b,3 Ich han dez gar vereinet mich .
 4b,4 ich wil dir sin mit volge bi .
 4b,5 Div ivgend wil fro sin vn- fri .
 4b,6 der baeder han ich mich bewegen .
 4b,7 div hohfart vellet eren zwi .
 4b,8 Sich wil min hertze lazzen nider .
 4b,9 swelh wip cvmpt nv in swaches wort .
 4b,10 wie mvelich si sich v’rihtet wid’ .”
- 5b,0 hie raet div mvoter .
 5b,1 “TRut kint du solt sin hochgemvot .
 5b,2 dar vnder doch in zuhten leben .
 5b,3 So wirt din lop den besten gvot .
 5b,4 vn- stet din rosencranz dir eben .
 5b,5 Den eren gernden solt u geben .
 5b,6 ze reht dinen werden grvoz .
 5b,7 vn- laz in dinem hertzen sweben .
 5b,8 Scham vnde mavzze vf staeten pin .
 5b,9 schivz wilder blicke niht ze vil .
 5b,10 da lose merkaer bi dir sin .”
- 6b,0 da spricht div toht’
 6b,1 “Scham vn- mavzse sint zwo tugend .
 6b,2 die gebent vns frawen hohen pris .
 6b,3 Wil si got lieben miner ivgent .
 6b,4 so grvonet miner saelden ris .
 6b,5 vn- mag in zuhten werden gris .
 6b,6 bewis liebiv mvoter mich .
 6b,7 der red baz ich bin niht wis .
 6b,8 Wie wilde blicke sin gestalt .

- 6b,9 wie wa ich die vermiden svl .
 6b,10 daz si mich machen iht ze balt .”
- 7b,0 div mvoter spricht .
 7b,1 “Ez heizzent wilde blicke wol .
 7b,2 als ich ze hof bewiset bin .
 7b,3 als ein wip fvr sich sehen sol .
 7b,4 daz ir div augen vliege-t hin .
 7b,5 Sam ob si hab vnstaeten sin .
 7b,6 vnd ane mazze daz geschiht .
 7b,7 daz ist ir lob ein vngewin .
 7b,8 Die meldaer merket vnser sit .
 7b,9 tewing diniv augen dester baz .
 7b,10 daz ravt ich tohter vnde bit .”
- 8b,0 div tohter .
 8b,1 “Fvr war dir mvoter si gesagt .
 8b,2 swie clein ich hab der iare zal .
 8b,3 Daz mir div fvore niht behagt .
 8b,4 swelh wip div augen vf ze tal .
 8b,5 In dem haubet fvert als einen bal .
 8b,6 dar vnder auch gelachet vil .
 8b,7 der briset niht div zvht ir sal .
 8b,8 Ich waen och daz jvncfrawen mvot .
 8b,9 div ane vorht wirt erzogen .
 8b,10 nah irem sit vil dicke tvot .”
- 9b,0 div mvot’ .
 9b,1 “SInt wisiv werch den Worten bi .
 9b,2 so sint die sinne niht betroge- .
 9b,3 Sint aber si gvoter sinne fri .
 9b,4 so sint die wisen werch gilogen .
 9b,5 von nest ein vogel ze frvo geflogen .
 9b,6 der wirt den kinden . liht ein spil .
 9b,7 die federn werdent in gezogen .
 9b,8 Das mac dir liebes kint geschehen .
 9b,9 has tv in ivgent gar wisiv wort .
 9b,10 vn- last dich tvmbe an werchen sehen .”
- 10b,0 hie raet div tohter .
 10b,1 “SInt miniv wort wis ane werch .
 10b,2 dez lob ich niht ez ist enwiht .
 10b,3 Z wiv solt mir ein guldin berch .
 10b,4 dez ich geniezze- mohte niht .
 10b,5 ein auge lieht daz niht gesiht .
 10b,6 das zeiget selten guoten wek .
 10b,7 waz ob div saelde mir geschiht .
 10b,8 Daz ich in baeden ob gelig .

- 10b,9 vn- diner lere volge so .
 10b,10 daz ich vntugenden an gesig .”
- 11b,0 Hie wnschet ir div mvot’ tvgend
 11b,1 “GOt geb daz dir din dinch erge .
 11b,2 als dv hast mvot vn- gidanch .
 11b,3 Waz wil ich danne fraeuden me .
 11b,4 wirt din lob niht von schulden cranch .
 11b,5 Dez sagent dir die beste- danch .
 11b,6 weist v niht wie div svezze maget .
 11b,7 Lvnet nach lob mit tvgenden ranch .
 11b,8 Villihte dir auch daz geschiht .
 11b,9 ob man niht durch frien mvot .
 11b,10 vz wibes tugenden brechen siht .”
- 12b,0 Si bitte ir mvot’ daz si s zuht vn- er ler .
 12b,1 “DIv wehselred ein ende hab .
 12b,2 die svl wir vf daz riche geben .
 12b,3 Daz dester grozzer si sin hab .
 12b,4 vn- lere mich nach eren leben .
 12b,5 Gebaren vnde sprechen eben .
 12b,6 daz ich den wisen wol bihag .
 12b,7 daz wil ich nimm’ vbergeben .
 12b,8 Tvon ich niht den wille- din .
 12b,9 so has tv dich enbvnden wol .
 12b,10 vn- mvoz ich eine schuldich sin .”
- 13b,0 hie lert si si zuht vn- er .
 13b,1 “WIs liebiv tohter wolgemvot .
 13b,2 daz doch der zuht die sinne pflegen .
 13b,3 Wiz staet’ sit von hertzen gvot .
 13b,4 so has tv gvoter lvite segen .
 13b,5 Mach du die tvgent vf gewege- .
 13b,6 dir wirt von mangem werden man .
 13b,7 mit wnschen nahen bi gilegen .
 13b,8 solt v mit saelden werden alt .
 13b,9 zvo der schoene die dv hast .
 13b,10 dvrh dich verswendet wirt d’ walt .”
- 14b,0 Si giht si welle ir volgen .
 14b,1 “SOl mvoter mir daz ein ere sin .
 14b,2 ob man min wnschet vf ein stro .
 14b,3 Dez ahtent niht die sinne min .
 14b,4 daz im vo- hertzen si also .
 14b,5 Ich wil in zuhten wesen fro .
 14b,6 als minen iaren wol an stat .
 14b,7 min lop in eren ziehen hoch .
 14b,8 Daz ie der werden wille waz .

- 14b,9 ich wil dar an vnschuldick sin .
 14b,10 ob man min wnschet vf daz gras .”
- 15b,0 Div mvoter giht man ger der tohter mit gedanke- .
 15b,1 “Gedanke sint den lvte- fri .
 15b,2 vn- wnschen sam weist v dez niht .
 15b,3 Daz maht dv verstan da bi .
 15b,4 so man ein wip ie schoner siht .
 15b,5 Der man in tugenden ere giht .
 15b,6 der wnschet ir wirt im ez niht me .
 15b,7 hat er ze minne mvotes iht .
 15b,8 Ein ieglich sin dez hohsten gert .
 15b,9 so man gidenchet oft an dich .
 15b,10 vn- wnschet din so bist v wert .”
- 16b,0 Hie raet div tohter
 16b,1 “Daz ich der werden lop beiag .
 16b,2 da wil ich immer iagen nach .
 16b,3 Den swachen ich vnwillen trag .
 16b,4 die man vntat ie werben sach .
 16b,5 Ein wiser man hie vore sprach .
 16b,6 ze swacher heimlich wirt man siech .
 16b,7 div brvofet schand vn- vngemach .
 16b,8 ein ieglich man mac wnschen min .
 16b,9 swem aber min schappel werden sol .
 16b,10 der mvoz vil wol gevieret sin .”
- 17b,0 Hie lert div mvot’ ab’ ir toht’ .
 17b,1 “Dv sprichest wol min liebes kint .
 17b,2 der svezzen red ich dir wol gan .
 17b,3 Wer weiz nv wa die staeten sint .
 17b,4 vil missewendich sint die man .
 17b,5 Si tragent helecaeppele an .
 17b,6 ze gvoten wiben svezziv wort .
 17b,7 div meiste menge sprechen can .
 17b,8 Doch merenthalt niht ane schaden .
 17b,9 versnident dich ir kaepfelsnit .
 17b,10 dv mvost div wang vz augen baden .”
- 18b,0 Hie antwrt div tohter .
 18b,1 “Waz aht ich vf ir kaeppele .
 18b,2 da si ir frivnd versnident mit .
 18b,3 Ich getrv dem staeten hertzen min .
 18b,4 mich vahet niht ir wehselsit .
 18b,5 Min staetes hertze wol enbirt .
 18b,6 Daz ez mich vrid vor ir vntat .
 18b,7 ich fvrhte niht ir wehselsnit .
 18b,8 Die svln mich vinden in der aht .

- 18b,9 daz mich iht trieg ir losiv red .
 18b,10 got geb in allen gvote naht .”
- 19b,0 wie div wip solten staeter sin .
 19b,1 “SI sagent wir wip haben kvrze- mvot
 19b,2 vn- da bi alle langes har .
 19b,3 Dem gelich vil mangiv leider tvot .
 19b,4 so si daz sprichwort machet war .
 19b,5 Swi ez vmb der manne vnstaete var .
 19b,6 wir wip solten doch staeter sin .
 19b,7 ob ich z in hulden reden getar .
 19b,8 Vn- trvegen in gemeinen haz .
 19b,9 die niht ir zuht an vns bewarent .
 19b,10 si schonten vnser dester baz .”
- 20b,0 wie div wip svlen gvetlich versage- .
 20b,1 “Ez ist komen her in alten siten .
 20b,2 vor mangel iaren vnde tagen .
 20b,3 daz ma- div wip sol gvetlich biten .
 20b,4 vn- lieplich in de- herten tragen .
 20b,5 So svlen si zuhticlich v’sagen .
 20b,6 oder aber ze sinneclich gewern .
 20b,7 daz si z her nach niht en clagen .
 20b,8 Div spaete rivwe ist enwiht .
 20b,9 dar zvo der wandelbaere- spot .
 20b,10 her nach so der schad geschiht .”
- 21b,0 hie sprichet div mvoter .
 21b,1 “Dv bist der sinne vf rehtem weg .
 21b,2 dez frav ich mich vil liebez kint .
 21b,3 Behalt si wol in diner pfleg .
 21b,4 daz dich div Minne iht mache blint .
 21b,5 vil wisiv hertz enzvndent sich .
 21b,6 von ir gewalt de st mir wol cvnt .
 21b,7 die red ze beine niht en bint .
 21b,8 Wil du dich ir gewaltes weren .
 21b,9 so mvez got dine- ivngen lip .
 21b,10 mit siner starken craft ernerren .”
- 22b,0 div tochter giht si hab vesten mvot .
 22b,1 “MIn hertz ich selb erkennen sol .
 22b,2 d’ minnen craft ist mir vnkvt .
 22b,3 Ich sprich ez vngervemet wol .
 22b,4 ich wart nie von ir strale wunt .
 22b,5 vn- leb noch her mit gesv-t .
 22b,6 frawe Minne weiz div herten wol .
 22b,7 div mac twingen an ir grvnt .
 22b,8 Der hertze- ich niht eines trag .

- 22b,9 da von der minne meisterschaft .
 22b,10 an siner werdikeit v'zag ."
- 23b,0 Div mvot' giht div toht' mvg sich niht behveten vor d' Minne .
 23b,1 "Ob hvndert tsent hertzen craft .
 23b,2 an einem h'zen mohte ligen .
 23b,3 Ir vngemezzenv meisterschaft .
 23b,4 im kvrzlich moht ab gesigen .
 23b,5 Si hat vil cargiv herz erstigen .
 23b,6 kvnc Salamon swie wis er waz .
 23b,7 ir wart sin hertze niht verzigen .
 23b,8 Wil si dir in din hertze smiden .
 23b,9 Dez maht v nimmer dich erwerben .
 23b,10 dich well alleine got befriden ."
- 24b,0 Si giht si welle sich wol behvete- .
 24b,1 "DV sprichest mvoter dem gelich .
 24b,2 sam dich ir craft gerweret hab .
 24b,3 Swi gar ir maht si crefte rich .
 24b,4 ich kvm doch ir gewaltes ab .
 24b,5 Ich liez . e . tragen mich ze grab .
 24b,6 e . si min hertze mit gewalt .
 24b,7 alsam ein spiegelglas ergrab .
 24b,8 Cvmt aber si dr in vn- sperret zvo .
 24b,9 genis ich oder bin ich tot .
 24b,10 so sag mir danne waz ich tvo ."
- 25b,0 Hie antwrt ir div mvoter .
 25b,1 "Dv gihest si hab gerweret mich .
 25b,2 hie vor bi minen ivngen tagen .
 25b,3 Ob ez so hat gefveget sich .
 25b,4 da wil ich dir niht vil von sagen .
 25b,5 also der hvnt den hirc wil iagen .
 25b,6 hat er iht wol genazen vor .
 25b,7 der mag sich dester wirs entsagen .
 25b,8 Swen hohiv minne tewingen gert .
 25b,9 der sol vnfvoze lazzen gar .
 25b,10 vn- mache sich den werden wert ."
- 26b,0 Hie fraget si ir mvoter .
 26b,1 "BIn ich dir dester lieber iht .
 26b,2 ob Minne tewinget minen sin .
 26b,3 vn- von gewalte daz geschiht .
 26b,4 ich wil niht in dem zwifel sin .
 26b,5 Nv tvo mir dinen willen schin .
 26b,6 daz dien ich immer vmbe dich .
 26b,7 gevar ich wol div er ist min .
 26b,8 Ich han gerihtet minen mvot .

- 26b,9 swaz dir an mir gevallet wol .
 26b,10 daz mich daz selbe dvnchet gvot .”
- 27b,0 Hie antwrt ir div mvot’ .
 27b,1 “Ich wil dir minen willen sagen .
 27b,2 den solt v reht also verstan .
 27b,3 Maht dv ein kvsches hertze tragen .
 27b,4 dez mvost v lob vn- ere han .
 27b,5 Ob dir div Minne dez niht en gan .
 27b,6 vn- wil betwingen mit gewalt .
 27b,7 dich daz dv minnest eine- man .
 27b,8 Der saelden ist vn- eren wert .
 27b,9 Der sol doch nach dem willen min .
 27b,10 von dir beliben vngewert .”
- 28b,0 div toht’ giht si behvet ir ere .
 28b,1 “Ich wil dir dez min trivwe geben .
 28b,2 die kristen . e . gisetzet hat .
 28b,3 Die wil ich einen tac sol leben .
 28b,4 ich gebriche nimmer dinen rat .
 28b,5 Ob mich div Minne niht en lat .
 28b,6 si welle mich twingen mit gewalt .
 28b,7 ob z danne den zvhten wol an stat .
 28b,8 Vil liebiv mvoter so ger ich .
 28b,9 ob du die volge sehest an mir .
 28b,10 daz dv mit riemen bindest mich”
- 29b,0 Div mvot’ giht div hvot si enwiht .
 29b,1 “Ich wil din tohter hveten niht .
 29b,2 din staeter mvot din hveten mvoz .
 29b,3 Ob dir vo- minne craft geschiht .
 29b,4 daz dir ze walde stet d’ fvoz .
 29b,5 Dez schaffe dir din staete bvoz .
 29b,6 mag si ir creften an gesigen .
 29b,7 so dienst dv der werden grvoz .
 29b,8 Div hvote brvefet dicke schaden .
 29b,9 swer hvetet anders dann er sol .
 29b,10 der wil ze hvs vnere laden .”
- 30b,0 Wie ein erber wip . ir selb’ hveten sol .
 30b,1 “Ein reines wip in tugenden wert .
 30b,2 div wol ir eren hveten can .
 30b,3 vn- niht wan staeter trivwe- gert .
 30b,4 die sol man selbe hveten lan .
 30b,5 Man sol die hvote heben an .
 30b,6 an einem wibe tv-mer sit .
 30b,7 div niht ir selber eren gan .
 30b,8 Man mag ir eines vndersehen .

30b,9 da si ir friheit tribet zvo .
30b,10 daz fvr baz mvelich can geschehen .”

31b,0 Wie du hvet si enwiht ane volge .
31b,1 “DIv hvot ist niht ein swaerer pin .
31b,2 swa frivnt wil minnen frivndes rat .
31b,3 Tvot er daz mit hertzen schin .
31b,4 so daz er solhe missetat .
31b,5 verber div an sin ere gat .
31b,6 so hat der hvetaer gvoten mvot .
31b,7 ob im div volge bi gestat .
31b,8 Sol wiser rat der volg enbern .
31b,9 der also frawen hveten sol .
31b,10 der zamet lihter wilden beren .”

32b,0 wie schad ez si d’ rein’ wib hvetet .
32b,1 “DIv hvot ist wibes eren gram .
32b,2 swa si vf cranken wan geschiht .
32b,3 Ir ende gvot ich nie vernam .
32b,4 betwngen lieb ist gar enwiht .
32b,5 Wan si git hohes mvotes niht .
32b,6 div lieb sol von hertzen comen .
32b,7 vn- haben mit staeter trivwe pfliht .
32b,8 vn- alle flvst vn- vf gewin .
32b,9 div ander liebe sliffig ist .
32b,10 alsam ein is da her da hin .”

33b,0 Hie lobt si ir toht’ schoen vn- ir zvht .
33b,1 “Nv lazzen wir die hvote varen .
33b,2 vnde sagen von der minne me .
33b,3 Maht v dich vor ir craft bewaren .
33b,4 als dv mir hast veriehen . e .
33b,5 Swem danne ein schappel schoner ste .
33b,6 min kint denne dir daz dine tvo .
33b,7 da man die werden schawen ge .
33b,8 Daz laz ich immer ane haz .
33b,9 ez mag ein wip wol schoner sin .
33b,10 deheiniv lebt in zuhten baz .”

34b,0 Div toht’ fraget wa div Minne won .
34b,1 “Dv lobst mich liebiv mvoter min .
34b,2 alsam ein kint ir mvoter sol .
34b,3 Ich lig dir in dem hertzen din .
34b,4 vn- tvon dir in den augen wol .
34b,5 Min trivwe gen dir ist auch niht hol .
34b,6 dv bist mir lieber danne der lip .
34b,7 der lieb ist gar min hertze vol .
34b,8 Nv sag mir ob div Minne leb .

- 34b,9 vn- hie bi vns vf erde si .
34b,10 oder ob vns in den lvften sweb .”
- 35b,0 Hie antwrt ir div mvoter .
35b,1 “EIn wiser man Ovidivs .
35b,2 d’ tvot vns von ir wnder kvnt .
35b,3 Er giht siv si genant venvs .
35b,4 si mache svezziv hertzen wnt .
35b,5 vn- mach ir willen wider gesvnt .
35b,6 den selben aber wider siech .
35b,7 daz ist ir wehsel ze aller stvnt .
35b,8 Ir willen niht entrinnen mac .
35b,9 si vert vnsihtig als ein geist .
35b,10 si hat niht rvowe naht noch tac .”
- 36b,0 Hie raet div tohter .
36b,1 “SInt alliv herz in ir gebot .
36b,2 der eren ich ir niht en gan .
36b,3 Ez werdent liehtiv augen rot .
36b,4 svln hoch gern die nidern man .
36b,5 von den kein ere werden can .
36b,6 vn- svlen die hohen nid’ geren .
36b,7 der got sich wnderlich versan .
36b,8 Der ir gewalt so witen maz .
36b,9 die hohen solten hohe geren .
36b,10 die nideren nider daz stvende baz .”
- 37b,0 Wie man die werden geren minnet .
37b,1 “WIE hoch edeliv minne vert .
37b,2 div wirbet svnder wan niht so .
37b,3 Sint si an hohen tugenden wert .
37b,4 die si in zuhten vindet fro .
37b,5 Die zivhet si mit ir so hoh .
37b,6 da si versmaehet swache sit .
37b,7 si lat dez niht durch fversten dro .
37b,8 Si sliez ein hertz in s ander gar .
37b,9 die nach ir willen ir behagent .
37b,10 der nidern nimt si kein war .”